

四庫全書

史部

欽定四庫全書

史部

資治通鑑卷一百四十一

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣張 護

欽定四庫全書

資治通鑑卷一百四十

宋

司馬光 撰

胡三省 音註

齊紀起齊蒙大淵獻盡

高宗明皇帝中

建武二年春正月壬申遣鎮南將軍王廣之督司州右
衛將軍蕭坦之督徐州尚書右僕射沈文季督豫州諸
軍以拒魏癸酉魏詔淮北之人不得侵掠犯者以大辟

論

淮北時已屬魏故詔不
得侵掠其人辟毗亦翻

乙未拓拔衍攻鍾離徐州刺

史蕭惠休乘城拒守間出襲擊魏兵破之惠休惠明之

弟也

問古莧翻蕭惠明見一百三
十三卷宋蒼梧王元徽二年

劉昶王肅攻義陽

昶知

兩

司州刺史蕭誕拒之肅屢破誕兵招降萬餘人

降戶
江翻

魏以肅為豫州刺史劉昶性褊躁御軍嚴暴

褊補典翻
躁則到翻

人莫敢言法曹行參軍北平陽固苦諫昶怒欲斬之使

當攻道

攻道攻城之道
矢石之所集也

固志意閒雅臨敵勇決昶始奇

之丁酉中外纂嚴以太尉陳顯達為使持節都督西北

討諸軍事往來新亭白下以張聲勢使疏吏已亥魏主

濟淮二月至壽陽衆號三十萬鐵騎彌望彌望猶言極望也孔穎達

曰人目所望三十里而天地合於三十里外不復見之是為極望騎奇寄翻甲辰魏主登八

公山賦詩道遇甚雨命去蓋去羌呂翻見軍士病者親撫慰

之魏主遣使呼城中人豐城公遙昌使崔慶遠出應之

慶遠問師故左傳齊桓公以諸侯之師伐楚楚子使與師言曰不虞君之涉吾地也何故魏

主曰固當有故卿欲我斥言之乎斥指也直言以指人之罪過無所回避謂

之斥欲我舍垢依違乎慶遠曰未承來命無所舍垢左傳曰國

君舍垢杜預注
曰舍垢忍垢恥

魏主曰齊主何故廢立慶遠曰廢昏立

明古今非一未審何疑魏主曰武帝子孫今皆安在慶

遠曰七王同惡已伏管蔡之誅

子隆子懋子敬子真子
倫并鬱林海陵為七王

其餘二十餘王或內列清要或外典方牧魏主曰卿主

若不忘忠義何以不立近親如周公之輔成王而自取

之乎慶遠曰成王有亞聖之德故周公得而相之

相息
亮翻

今近親皆非成王之比故不可立且霍光亦捨武帝近
親而立宣帝唯其賢也魏主曰霍光何以不自立慶遠

曰非其類也主上正可比宣帝安得比霍光若爾武王

伐紂不立微子而輔之亦為苛貪天下乎

史言崔慶魏遠之機辨

主大笑曰朕來問罪如卿之言便可釋然慶遠曰見可

而進知難而退

左傳載晉大夫隨武子之言

聖人之師也魏主曰卿

欲吾和親為不欲乎慶遠曰和親則二國交歡生民蒙

福否則二國交惡生民塗炭和親與否裁自聖衷魏主

賜慶遠酒敕衣服而遣之戊申魏主循淮而東

過壽陽不攻引

兵東下民皆安堵租運屬路

屬之欲翻此謂淮北之民耳

丙辰至鍾離

自壽陽至鍾離三百三十餘里

上遣左衛將軍崔慧景寧朔將軍裴叔

業救鍾離劉昶王肅衆號二十萬塹柵三重

塹七艷翻重直龍翻

并力攻義陽城中負楯而立

攻城甚急矢石交至故負楯而立以自蔽楯食尹翻

王廣之引兵救義陽去城百餘里畏魏彊不敢進城中

益急黃門侍郎蕭衍請先進廣之分麾下精兵配之行

間道夜發

間古覓翻

與太子右率蕭誅等

率所律翻右率太子右衛率也誅魯

水徑上賢首山

水經注潞水南出大潰山北逕賢首山西又北出東南屈逕義陽縣城南上時

掌去魏軍數里魏人出不意未測多少不敢逼

少詩黎

明城中望見援軍至蕭誕遣長史王伯瑜出攻魏柵因風縱火衍等衆軍自外擊之魏不能支解圍去已未誕等追擊破之誅謨之弟也先是上以義陽危急

先悉薦翻

詔

都督青冀二州諸軍事張冲出軍攻魏以分其兵執冲遣軍主桑係祖攻魏建陵驛馬厚丘三城又遣軍主杜僧護攻魏虎阬馮時即丘三城皆拔之青冀二州刺史

王洪範遣軍主崔延襲魏紀城據之

宋泰始初青冀二州入於魏乃置青

冀二州刺史治朐山杜佑曰宋明帝立青冀二州寄治賴榆齊青州治朐山冀州理漣口今臨淮郡漣水縣魏

汝志郟郡有建陵縣漢古縣也宋白曰厚丘故城在海州沐陽縣北四十五里又東彭城郡龍沮縣有即丘城即丘亦漢縣本屬琅邪郡賢曰即丘即左傳之祝丘故城在今沂州臨沂縣東南紀城春秋紀鄆之故城也杜預曰東海贛榆縣

魏主欲南臨江水辛酉發鍾離司徒

東北有故紀城

長樂元懿公馮誕病不能從

樂音洛從才用翻

魏主與之泣訣

行五十里聞誕卒時崔慧景等軍去魏主營不過百里

魏主輕將數千人夜還鍾離

將即亮翻

拊尸而哭達旦聲淚

不絕壬戌敕諸軍罷臨江之行葬誕依晉齊獻王故事

齊獻王攸葬事見八十誕與帝同年幼同硯席尚帝妹一卷晉武帝太康四年

樂安長公主

長知兩翻

雖無學術而質性淳篤故特有寵丁

卯魏主遣使臨江數上罪惡

使疏吏翻數所具翻

魏久攻鍾離不

克士卒多死三月戊寅魏主如邵陽築城於洲上

邵陽洲在

鍾離城北

柵斷水路夾築二城

既築城於洲上又於淮水南北兩岸夾築二城

樹柵水中以斷援兵之路斷丁管翻下先斷邀斷欲斷同

蕭坦之遣軍主裴叔業攻

二城拔之魏主欲築城置戍於淮南以撫新附之民賜

相州刺史高閭璽書具論其狀

相息亮翻璽斯氏翻

閭上表以為

兵法十則圍之五則攻之

孫子兵法有是言

邲者國家止為受

降之計

謂欲受曹虎降也
降戶江翻下同

發兵不多東西遼闊難以成

功今又欲置戍淮南招撫新附昔世祖以回山倒海之

威步騎數十萬南臨瓜步諸郡盡降而盱眙小城攻之

不克

事見一百二十五卷宋文帝元嘉
二十七年騎奇寄翻盱眙音吁怡

班師之日兵不

戍一城土不闢一廛

說文曰廛一畝
半一家之居地

夫豈無人以為大

鎮未平

宋時淮上以壽
陽廣陵為大鎮

不可守小故也夫壅水者先塞

其原

塞悉
則翻

伐木者先斷其本本原尚在而攻其末流終

無益也壽陽盱眙淮陰淮南之本原也

壽陽盱眙淮陰
皆淮津之要地

即皆以重兵守之故云本原

三鎮不克其一而畱守孤城其不能自

全明矣敵之大鎮逼其外長淮隔其內少置兵則不足

以自固

少詩沿翻

多置兵則糧運難通大軍既還士心孤怯

夏水盛漲救援甚難以新擊舊以勞禦逸

久於屯戍魏師已老齊以

生兵攻之是之謂以新擊舊魏以孤軍守孤城勞於備禦齊師迭出而攻之士有餘力是之謂以勞禦逸若

果如此必為敵擒雖忠勇奮發終何益哉

言將士效死弗去而城破

身沒雖忠勇奮發而無益於國事

且安土戀本人之常情昔彭城之沒

既克大鎮城戍已定而不服思叛者猶踰數萬

宋明帝泰始二

年魏得彭城至高帝建元之初淮北之民
猶不樂屬魏思歸江南遂有五固之役角城蕞爾處

在淮北蕞徂外翻小貌處昌呂翻去淮陽十八里五固之役攻圍歷

時卒不能克事見一百二十五卷高帝建元三年卒子恤翻以今準昔事兼數

倍天時尚熱尚當作向雨水方降願陛下踵世祖之成規旋

轅反旆經營洛邑蓄力觀釁釁許觀翻布德行化中國既和

遠人自服矣尚書令陸叡上表以為長江浩蕩彼之巨

防又南土昏霧暑氣鬱蒸師人經夏必多疾病而遷鼎

草創武王遷九鼎於洛邑故引以為言庶事甫爾臺省無論政之館府

寺靡聽治之所

治直吏翻

百僚居止事等行路沈雨炎陽自

成癘疫

沈與霰同持林翻說文久陰曰霰炎陽炎日也

且兵徭並舉聖王所難

今介冑之士外攻寇讐羸弱之夫內勤土木運給之費

日損千金驅罷弊之兵討堅城之虜將何以取勝乎

羸倫

為翻罷讀與疲同

陛下去冬之舉正欲曜武江漢耳今自春幾

夏幾居希翻近也

理宜釋甲願早還洛邑使根本深固聖懷無

內顧之憂兆民休斤板之役

斤謂斧斤之役板謂板築之役

然後命將

出師

將即亮翻下同

何憂不服魏主納其言崔慧景以魏人城

邵陽惠之張欣泰曰彼有去志所以築城者外自誇大

懼我躡其後耳今若說之以兩願罷兵

說輸苗翻

彼無不聽

矣慧景從之使欣泰詣城下語魏人

語牛倨翻

魏主乃還濟

淮餘五將未濟齊兵據渚邀斷津路

斷下管翻下同

魏主募能

破中渚兵者以為直閭將軍軍主代人奚康生應募

據北

史康生本姓達奚魏孝文改複姓於是姓奚

縛筏積柴因風縱火燒齊船艦

艦戶黯翻

依煙焰進飛刀亂斫中渚兵遂潰魏主假康生直

閭將軍魏主使前將軍楊播將步卒三千騎五百為殿

將步即亮翻騎奇奇翻下同殿都輦翻斷後曰殿

時春水方長齊兵大至戰艦

塞川播結陳於南岸以禦之

長知兩翻艦戶黯翻塞悉則翻陳讀曰陣下為陳同

諸軍盡濟齊兵四集團播播為圓陳以禦之身自搏戰

所殺甚衆相拒再宿軍中食盡圍兵愈急魏主在北岸

望之以水盛不能救既而水稍減播引精兵三百歷齊

艦大呼曰

呼火故翻

我今欲渡能戰者來遂擁衆而濟播椿

之兄也

楊椿見一百三十七卷武帝永明八年

魏軍既退邵陽洲上餘兵

萬人求輸馬五百匹假道以歸崔慧景欲斷路攻之張

欣泰曰歸師勿過古人畏之

兵法歸師勿過窮寇勿追

兵在死地不

可輕也今勝之不足為武不勝徒喪前功

喪息浪翻

不如許

之慧景從之蕭坦之還言於上曰邵陽洲有死賊萬人

慧景欣泰縱而不取由是皆不加賞甲申解嚴

魏師已退故解

嚴

初上聞魏主欲飲馬於江懼敕廣陵太守行南充州

事蕭穎胄移居民入城民驚恐欲席卷南渡

卷讀曰捲

穎胄

以魏寇尚遠不即施行魏兵竟不至穎胄太祖之從子

也

蕭穎胄太祖從弟赤芥之子從才用翻

上遣尚書左僕射沈文季助豐

城公遙昌守壽陽

是年春正月遣沈文季督豫州諸軍豫州治壽陽

文季入城

止游兵不聽出洞開城門嚴加守備魏兵尋退魏之入

寇也盧昶等猶在建康

海陵王即位魏遣昶來聘昶至建康而帝已立

齊人恨

之飼以蒸豆

飼祥吏翻馬牛待之

昶怖懼食之

怖普布翻

淚汗交橫謁

者張思寧辭氣不屈死於館下及還魏主讓昶曰人誰

不死何至自同牛馬屈身辱國縱不遠慙蘇武

蘇武使匈奴十

九年不屈節

獨不近愧思寧乎乃黜為民 戊子魏太師京

兆武公馮熙卒於平城

乙未魏主如下邳夏四月庚

子如彭城辛丑為馮熙舉哀

為於偽翻

太傅錄尚書事平陽

公丕不樂南遷

樂音洛

與陸叡表請魏主還臨熙葬

丕叡時留

守平城

帝曰開闢以來安有天子遠奔舅喪者乎今經始

洛邑

經度之也始初也詩云經始靈臺

豈宜妄相誘引陷君不義令僕

以下可付法官貶之

此平城留臺令僕也法官謂御史誘音酉

仍詔迎熙及

博陵長公主之柩

長知兩翻柩巨救翻

南葬洛陽禮如晉安平獻

王故事

晉安平王字薳見七十九卷武帝泰始八年魏之葬熙其禮又加於誕

魏主之

在鍾離仇池鎮都大將梁州刺史拓跋英請以州兵會

劉藻擊漢中

去年十一月魏遣劉藻向南鄭魏梁州刺史治仇池齊梁州刺史治南鄭將即亮翻

下魏主許之梁州刺史蕭懿遣部將尹紹祖梁季羣等

將兵二萬據險立五柵以拒之

據蕭子顯齊書時據角弩谷白馬沮水立五柵

英曰彼帥賤莫相統壹

帥所類翻

我選精卒并攻一營彼必

不相救若克一營四營皆走矣乃引兵急攻一營拔之

四營俱潰生擒梁季羣斬三千餘級俘七百餘人乘勝

長驅進逼南鄭懿又遣其將姜修擊英英掩擊盡獲之

將還懿別軍繼至將士皆已疲不意其至大懼欲走英

故緩轡徐行神色自若登高望敵東西指麾狀若處分
處昌呂翻然後整列而前懿軍疑有伏兵遷延引退英追擊

破之遂圍南鄭禁將士毋得侵暴遠近悅附爭供租運
懿嬰城自守軍主范滂先將三千餘人在外還救南鄭

英掩擊盡獲之圍城數十日城中恟懼將即亮翻錄事

參軍新野庾域封題空倉數十指示將士曰此中粟皆

滿足支二年但努力固守衆心乃安會魏主召英還使

老弱先行自將精兵為後拒殿軍後以拒遣使與懿告

追兵曰後拒

別

使疏
史翻

懿以為詐英去一日猶不開門二日乃遣將追

之英與士卒下馬交戰懿兵不敢逼行四日四夜懿兵

乃退英入斜谷會天大雨士卒截竹貯米執炬火於馬

上炊之

貯丁
呂翻

先是懿遣人誘說仇池諸氏使起兵斷英

運道及歸路英勒兵奮擊且戰且前矢中英頗卒全軍

還仇池

英乘勝深入後無繼援雖僅獲全軍而退亦已
危矣先悉薦翻說輸芮翻斷丁管翻中竹仲翻

卒子恤翻討叛氐平之英楨之子

南安王楨見一百三十
八卷武帝永明十一年懿

衍之兄也英之攻南鄭也魏主詔雍涇岐三州發兵六

千人戍南鄭

魏雍州治長安領京兆馮翊扶風咸陽北地等郡太和中置涇州治臨涇城領安定

隴東新平平涼平原等郡十一年置岐州治雍城鎮領平秦武功武都郡雍於用翻俟克城則遣

之侍中兼左僕射李冲表諫曰秦州險阨地接羌夷自

西師出後餉援連續加氏胡叛逆所在奔命運糧擇甲

迄茲未已今復豫差戍卒

復扶又翻差初皆翻下差遣同

懸擬山外

漢中

之地在關中南山之南故曰山外

雖加優復

復方目翻

恐猶驚駭脫終攻不

克徒動民情連胡結夷事或難測輒依旨密下刺史待

軍克鄭城

下戶嫁翻鄭城謂南鄭城

然後差遣如臣愚見猶謂未足

何者西道險阨單徑千里

謂褒斜之道也

今欲深戍絕界之外

孤據羣賊之中敵攻不可猝援食盡不可運糧古人有

言雖鞭之長不及馬腹

左傳晉伯宗之言

南鄭於國實為馬腹

也且魏境所掩九州過八

此指禹貢九州為言

民人所臣十分而

九所未民者唯漠北之與江外耳

漠北謂柔然江外謂齊言唯此二國未為

魏民羈之在近

謂以繩羈係其君而致之在近言不遠也

豈汲汲於今日也宜

待疆宇既廣糧食既足然後置邦樹將

樹立也將帥也

將為

吞併之舉今壽陽鍾離密邇未拔赭城新野跬步弗降

赭城即赭陽城也降戶江翻

東道既未可以近力守西藩寧可以遠

兵固

李冲盖謂淮漢之地為東道謂南鄭為西藩

若果欲置者臣恐終以資

敵也又建都土中

洛陽為土中

地接寇壤方須大收死士平

蕩江會

建康為江南都會之地故曰江會

若輕遣單寡弃令陷沒恐後

舉之日衆以畱守致懼求其死効未易可獲

易以鼓翻

推此

而論不成為上魏主從之

癸丑魏主如小沛已未如

瑕丘庚申如魯城

魏收地形志魯郡魯縣之魯城

親祠孔子辛酉拜孔

氏四人顏氏二人官仍選諸孔宗子一人封崇聖侯奉

孔子祀命兗州修孔子墓

大宗之子為宗子
孔子墓亦在魯縣

更建碑銘

戊辰魏主如碣磬命謁者僕射成淹具舟楫欲自泗入

河沂流還洛淹諫以為河流悍猛非萬乘所宜乘

沂蘇故翻

悍疾肝翻又下罕

翻萬乘繩證翻

帝曰我以平城無漕運之路故京邑

民貧今遷都洛陽欲通四方之運而民猶憚河流之險

故朕有此行所以開百姓之心也 魏城陽王鸞等攻

赭陽諸將不相統壹圍守百餘日諸將欲棄甲不戰以

疲之李佐獨晝夜攻擊士卒死者甚衆帝遣太子右衛

率垣歷生救之諸將以衆寡不敵欲退佐獨帥騎二千

逆戰而敗

將即亮翻帥所律翻帥讀曰率騎奇寄翻

盧淵等引去歷生追擊

大破之歷生榮祖之從弟也

垣榮祖著名於宋泰始之間從才用翻下同南

陽太守房伯玉等又敗薛真度於沙塢

敗蒲邁翻考異曰齊書魏虜

傳真度敗在建武元年下魏帝紀城陽王鸞以敗軍獲罪在太和十九年五月今從之

鸞等見魏

主於瑕丘

見賢遍翻

魏主責之曰卿等沮辱威靈罪當大辟

沮在呂翻辟毗亦翻

朕以新遷洛邑特從寬典五月己巳降封鸞

為定襄縣王削戶五百盧淵李佐韋珍皆削官爵為民

佐仍徙瀛州

太和十一年分定州河間高陽冀州章武浮陽置瀛州治趙都軍城以薛真

度與其從兄安都有開徐方之功

謂以彭城降魏也從才用翻

聽存

其爵及荊州刺史餘皆削奪曰進足明功退足彰罪矣

魏廣川剛王諧卒諧畧之子也

魏廣川王畧見一百三十五卷高帝之建

元二年謚法追補前過曰剛

魏主曰古者大臣之喪有三臨之禮

賈山

曰古者賢君之於臣也死則往弔哭之臨其小歛大歛已棺除而為之服錫衰麻經而三臨其喪

魏晉

以來王公之喪哭於東堂自今諸王之喪期親三臨

期親

期喪之親期讀曰暮

大功再臨小功總麻一臨

大功九月服小功五月服總麻三月

服罷東堂之哭廣川王於朕大功也

廣川王畧顯祖之弟諧於魏主從兄

弟也其服大功

將大歛

歛力瞻翻

素服深衣往哭之

甲戌魏主如

滑臺丙子舍于石濟庚申太子出迎於平桃城

魏收志濟陰郡

離狐縣有桃城水經注曰滎陽縣有號亭俗謂之平眺城

趙郡王幹在洛陽貪淫不

法御史中尉李彪私戒之

魏置御史中尉以糾察百官猶御史中丞也

且曰

殿下不悛不敢不以聞幹悠然不以為意

悠遠也悠然夷曠自得之

意悛七綠翻

彪表彈之

彈徒丹翻

魏主詔幹與北海王祥俱從太

子詣行在既至見祥而不見幹陰使左右察其意色知

無憂悔

言既無憂色又無悔過之意

乃親數其罪杖之一百免官還

第

數所具翻

癸未魏主還洛陽告于太廟甲申減冗官之祿

以助軍國之用乙酉行飲至之禮

左傳臧僖伯曰三年而治兵入而振旅歸

而飲至以數軍實又曰反行飲至舍爵策勳焉飲至者告至於廟而飲酒也

班賞有差

班南伐之

賞也

甲午魏太子冠於廟

記冠義曰古者重冠冠故行之於廟行之於廟者所以自

卑而尊先祖也鄭樵曰曹魏冠太子再加宋一加余謂魏孝文好古其必用三加之禮冠於廟禮也曹魏以來

不復在廟冠古玩翻

魏主欲變北俗引見羣臣

見賢遍翻

謂曰卿等

欲朕遠追商周為欲不及漢晉邪咸陽王禧對曰羣臣

願陛下度越前王耳帝曰然則當變風易俗當因循守
故邪對曰願聖政日新帝曰為止於一身為欲傳之子
孫邪對曰願傳之百世帝曰然則必當改作卿等不得
違也對曰上令下從其誰敢違帝曰夫名不正言不順
則禮樂不可興用論語孔子之言今欲斷諸北語一從正音斷音

短正音
華言也

其年三十已上習性已久容不可猝革三十已

下見在朝廷之人

見賢
遍翻

語音不聽仍舊若有故為

謂故
意為

北語不肯
從華言者

當加降黜各宜深戒王公卿士以為然不

不讀

曰對曰實如聖旨帝曰朕嘗與李冲論此冲曰四方之

語竟知誰是

謂四方之人言語不同不知當以誰為是

帝者言之即為正矣

冲之此言其罪當死因顧冲曰卿負社稷當令御史牽

下冲免冠頓首謝又責畱守之官曰

守手又翻

昨望見婦女

猶服夾領小袖卿等何為不遵前詔皆謝罪帝曰朕言

非是卿等當廷爭

爭讀曰諍

如何入則順旨退則不從乎六

月己亥下詔不得為北俗之語於朝廷違者免所居官

癸卯魏主使太子如平城赴太師熙之喪 癸丑魏

詔求遺書祕閣所無

漢時書府在外則有太常太史博士掌之內則有延閣廣內石渠之

藏後漢則藏之東觀晉有中外三閣經書陸機謝表云身登三閣謂為祕書郎掌中外三閣祕書也此祕閣之

名所由始

有益時用者加以優賞

魏有司奏廣川王妃葬

於代都未審以新尊從舊卑以舊卑就新尊

夫尊婦卑廣川王諧

新卒故曰新尊其妃先卒故曰舊卑

魏主曰代人遷洛者宜悉葬邙山

邙山

在洛城北邙謨郎翻

其先有夫死於代者聽妻還葬夫死於洛者

不得還代就妻其餘州之人自聽從便丙辰詔遷洛之

民死葬河南不得還北於是代人遷洛者悉為河南洛

陽人 戊午魏改用長尺大斗其法依漢志為之

漢律歷志

以子穀秬黍中者一黍之廣度之九十分黃鍾之長一為一分十分為寸十寸為尺又以子穀秬黍中者千有二百實其侖十侖為合

上之廢鬱林王也

見上卷上年

許

蕭詵以揚州既而除領軍將軍南徐州刺史詵志曰見

炊飯推以與人

詵氏子翻志於避翻見賢遍翻推吐雷翻

詵恃功頗干預朝

政

朝直達翻

所欲選用輒命尚書使為申論

為于偽翻

上聞而忌

之以蕭詵蕭誅方將兵拒魏

誅魯水翻將即亮翻

隱忍不發壬戌

上遊華林園與詵及尚書令王晏等數人宴盡歡坐罷

留謹晚出至華林園仗身執還省

仗身執仗之衛士天子禁衛有齋內仗身

見齊書蕭謹傳又按杜佑通典曰唐制鎮戍之官給仗身其人數祇鎮戍之上中下為差京官五品已上亦有

仗身職員上遣左右莫智明數謹曰隆昌之際非卿無有今

日今一門二州兄弟三封

謹為南徐州誕為司州所謂二州也謹封衡陽郡公謀封

西昌侯誕封安復侯所謂三封也數所具翻

朝廷相報止可極此卿恒懷怨

望

恒戶登翻

乃云炊飯已熟合甌與人邪今賜卿死遂殺之

并其弟誅以黃門郎蕭衍為司州別駕往執誕殺之謹

好衍數吳興沈文猷常語之曰君相不減高帝

好呼到翻語牛

倨翻相息亮
翻相貌也

諶死文猷亦伏誅諶死之日上又殺西陽

王子明南海王子罕邵陵王子貞

三王皆武帝子也

乙丑以

右衛將軍蕭坦之為領軍將軍

魏高閭上言鄴城密

皇后廟頽圯請更葺治若謂已配饗太廟即宜罷毀詔

罷之

密皇后世祖母杜皇后也后鄴人神麇三年立廟於鄴高閭為相州刺史相州治鄴故上言之圯都

鄴翻毀也
治直之翻

魏拓跋英之寇漢中也沮水氏楊馥之為

齊擊武興氏楊集始破之

按漢志武都郡沮縣有東狼谷沮水所出也水在廣業郡

界唐鳳州同谷縣魏之廣業郡地也氏居沮水上因以為種落之名沮十余翻為于偽翻

秋七月辛

卯以馥之為北秦州刺史

蕭子顯曰永明郡國志秦州寄治漢中南鄭不曰南北元

嘉計偕亦曰秦州而荊州刺史嘗督二秦梁是則志所載秦州為南秦氏為北秦然是時秦州所領諸郡皆僞

郡與荒郡也

仇池公

八月乙巳魏選武勇之士十五萬人

為羽林虎賁以充宿衛

為後虎賁羽林作亂殺張彝父子張本賁音奔

魏金

墉宮成立國子太學四門小學於洛陽

四門學始此

魏高

祖遊華林園觀故景陽山

華林園及景陽山皆魏明帝所築

黃門侍郎

郭祚曰山水者仁智之所樂

論語孔子曰仁者樂山智者樂水故郭祚引以為言

樂魚教翻

宜復修之

復扶又翻

帝曰魏明帝以奢失之於前朕豈

可襲之於後乎帝好讀書手不釋卷在輿據鞍不忘講

道善屬文

好呼到翻下好賢同屬之欲翻

多於馬上口占既成不更一

字

更工衡翻

自太和十年以後詔策皆自為之好賢樂善情

如饑渴所與遊接常寄以布素之意

樂音洛言寄以布衣雅素相與之意

如李冲李彪高閭王肅郭祚宋弁劉芳崔光邢巒之徒

皆以文雅見親貴顯用事制禮作樂鬱然可觀有太平

之風焉

史言魏高祖能以文治

治書侍御史薛聰辯之曾孫也

薛辯

見一百二十四卷宋文帝元嘉二十一年治直之翻

彈劾不避彊禦

彈徒丹翻劾戶槩翻又戶

得翻帝或欲寬貸者聰輒爭之帝每曰朕見薛聰不能不

憚何況諸人也自是貴戚歛手累遷直閤將軍兼給事

黃門侍郎散騎常侍

散悉重翻
騎奇寄翻

帝外以德器遇之內以

心膂為寄親衛禁兵悉聰管領故終太和之世恒帶直

閤將軍羣臣罷朝之後聰恒陪侍帷幄言無晝夜時政

得失動輒匡諫事多聽允而重厚沈密

恒戶登翻朝直
遠翻沈持林翻

外莫窺其際帝欲進以名位輒苦讓不受帝亦雅相體

悉謂之曰卿天爵自高固非人爵所能榮也

孟子曰公
卿大夫此

人爵也仁義忠
信此天爵也

九月庚午魏六宮文武悉遷於洛陽

六宮后妃夫人嬪御也
文武内外文武百官也

丙戌魏主如鄴屢至相州刺

史高閭之館

館謂刺史官舍相息亮翻

美其治效

治直吏翻

賞賜甚厚閭

數請本州

數所角翻

詔曰閭以懸車之年方求衣錦

漢薛廣漢致仕

懸其安車以示子孫古人有言富貴
不歸故鄉如衣錦夜行衣於既翻

知進忘退有塵譙

德可降號平北將軍朝之老成宜遂情願徙授幽州刺

史

高閭漁陽雍奴人幽州統内也朝直遙翻

令存勸兩修恩法並舉

從所請以勸善

示恩降號
以存法

以高陽王雍為相州刺史戒之曰作牧亦易

亦難其身正不令而行所以易其身不正雖令不從所

以難

用孔子之言而發難易之論易以豉翻

己丑徙南平王寶攸為邵

陵王蜀郡王子文為西陽王廣漢王子峻為衡陽王臨

海王昭秀為巴郡王永嘉王昭粲為桂陽王

寶攸皇子餘皆高武

子孫

乙未魏主自鄴還

還洛陽

冬十月丙辰至洛陽

壬

戌魏詔諸州精品屬官考其得失為三等以聞又詔徐

兖光南青荆洛六州嚴纂戎備應須赴集

魏徐州領彭城南陽平沛

蘭陵北濟陰等郡兖州領泰山魯高平任城東平東陽平等郡光州治掖城皇興四年分青州置領東萊長廣

東牟等郡南青州即東徐州魏主更名領東安東莞郡
魏先置荊州於上洛領上洛上庸魏興等郡太和十一
年改為洛州置荊州於穰城領南陽順陽
新野襄城等郡詔纂戎備將復南伐也

十一月丁

卯詔罷世宗東田毀興光樓

東田見武帝紀興光樓
蓋亦文惠太子所建

己卯納太子妃褚氏大赦妃澄之女也

褚澄見一百三
十三卷宋蒼梧

王元徽
二年

庚午魏主如委粟山定園丘己卯帝引諸儒

議園丘禮祕書令李彪建言魯人將有事於上帝必先

有事於泮宮

記禮器之言鄭玄
注曰泮宮郊學也

請前一日告廟從之甲

申魏主祀園丘大赦

十二月乙未朔魏主見羣臣於

光極堂宣下品令為大選之始

下選嫁翻品令九品之令也大選者謂將大選

羣臣也

光祿勳于烈子登引例求遷官烈上表曰方今聖

明之朝理應廉讓而臣子登引人求進

引人謂引他人之例也朝直遙

翻

是臣素無教訓乞行黜落

黜落謂黜官落職也

魏主曰此乃有

識之言不謂烈能辦此乃引見登謂曰朕將流化天下

以卿父有譙遜之美直士之風故進卿為太子翊軍校

尉又加烈散騎常侍封聊城縣子

校戶教翻散悉魏主

謂羣臣曰國家從來有一事可歎臣下莫肯公言得失

是也夫人君患不能納諫人臣患不能盡忠自今朕舉

一人如有不可卿等直言其失若有才能而朕所不識

卿等亦當舉之如是得人者有賞不言者有罪卿等當

知之

以魏孝文之求諫求才如此而一時之臣猶未能稱上意豈非朝廷之議帝務騁辭氣以加之故有

有懷而不敢盡者

丁酉詔修晉帝諸陵增置守衛

此晉帝諸陵謂在江

南者

甲子魏主引見羣臣於光極堂頒賜冠服

賜冠服以易胡

服

先是魏人未嘗用錢

先悉薦翻

魏主始命鑄太和五銖

是歲鼓鑄粗備

粗坐五翻

詔公私用之

魏以光城蠻帥田

益光為南司州刺史

帥所類翻

所統守宰聽其銓置後更於

新蔡立東豫州以益光為刺史

據北史益光當作益宗魏以益宗既渡淮北不

可仍為司州乃於新蔡立東豫州又按五代志及水經注新蔡當作新息

氏王楊炅卒

炅古

迦翻又古惠翻

三年春正月丁卯以楊炅子崇祖為沙州刺史封陰平

王

考異曰齊本紀作丁酉按長歷是月乙丑朔無丁酉下有己巳當作丁卯

魏主下詔

以為北人謂上為拓后為跋魏之先出於黃帝以土德

王

王于况翻

故為拓跋氏夫土者黃中之色萬物之元也宜

改姓元氏諸功臣舊族自代來者姓或重複皆改之

直重

龍翻

於是始改拔拔氏為長孫氏達奚氏為奚氏乙旃氏

為叔孫氏丘穆陵氏為穆氏步六孤氏為陸氏賀賴氏
為賀氏獨孤氏為劉氏賀樓氏為樓氏勿忸于氏為于
氏尉遲氏為尉氏其餘所改不可勝紀

如長孫嵩奚斤
叔孫建穆崇于

粟碑之類史皆因其後改姓從簡便而書之非其舊也
其餘北人諸姓改從後姓注已畧見於前蓋其所改後
姓有與華人舊姓相犯者也忸女九翻又女六翻考
異曰魏初功臣姓皆複重奇僻孝文太和中變胡俗始
改之魏收作魏書已盡用新姓不用舊姓宋書索虜傳
南齊書魏虜傳所稱者蓋其舊姓名耳今並從魏書以

就簡 魏主雅重門族以范陽盧敏清河崔宗伯滎陽鄭

義太原王瓊四姓衣冠所推咸納其女以充後宮隴西

李冲以才識見任當朝貴重所結姻婭莫非清望

朝直達翻

婭音連史記南越傳呂嘉宗室兄弟及蒼梧秦王有連
漢書音義曰連親婚也史記索隱曰有連者皆親姻也
後人因以姻連之連其旁加女遂為婭字 帝亦以其女為夫人詔黃門郎司

徒左長史宋弁定諸州士族多所升降又詔以代人先

無姓族雖功賢之胄無異寒賤故宦達者位極公卿其

功衰之親仍居猥任

功衰自小功大功以上至齊衰也猥卑下也衰倉同翻猥烏賄翻鄙

也其穆陸賀劉樓于稽尉八姓

稽恐當作奚今按魏書官氏志自有稽姓稽敬

之稽是也尉紆勿翻

自太祖已降勳著當世位盡王公灼然可知

者且下司州吏部勿充猥官一同四姓

四姓盧崔鄭王也下戶嫁翻

自此以外應班士流者尋續別敕其舊為部落大人而

皇始以來三世官在給事已上及品登王公者為姓若

本非大人而皇始以來三世官在尚書已上及品登王

公者亦為姓其大人之後而官不顯者為族若本非大

人而官顯者亦為族凡此姓族皆應審覈勿容偽冒

戶覈

革翻令司空穆亮尚書陸琇等詳定務令平允琇馥之子

也魏孝文受內禪陸馥傳之故其子皆通顯琇音秀馥蒲撥翻魏舊制王國舍人皆

應娶八族及清修之門王國舍人舍謂諸王妃嬪之舍其人即妃嬪也八族即前自代

來八姓咸陽王禧娶隸戶為室隸戶謂沒入為奴隸之戶帝深責之因

下詔為六弟聘室為于偽翻前者所納可為妾媵媵以證翻咸陽

王禧可聘故潁川太守隴西李輔女河南王幹可聘故

中散大夫代郡穆明樂女太和十八年河南王幹已從封趙郡王史蓋以舊封書之

散悲廣陵王羽可聘驃騎諮議參軍滎陽鄭平城女驃

廩翻

妙翻騎
奇寄翻

賴川王雍可聘故中書博士范陽盧神寶女

賴川

王雍亦以太和十八年徙封高陽史以舊封書之

始平王勰可聘廷尉卿隴西

李冲女

勰音協

北海王祥可聘吏部郎中滎陽鄭懿女

魏定

氏族固亦未能盡允清議至今詔諸王改納室則大悖於人倫夫妻者齊也一與之齊終身不改富而易妻人士猶或羞之況天子之弟懿義之子也

宋泰始之初鄭義從拓拔石平

乎此詔一出天下何觀
汝時趙郡諸李人物尤多各盛家風故世之言高華者

以五姓為首

盧崔鄭王并李為五姓趙郡諸李北人謂之趙李李靈李順李孝伯羣從子姪皆趙

李衆議以薛氏為河東茂族帝曰薛氏蜀也豈可入郡

姓直閣薛宗起執戟在殿下出次對曰臣之先人漢末仕蜀二世復歸河東今六世相襲非蜀人也伏以陛下黃帝之肩受封北土豈可亦謂之胡邪今不預郡姓何以生為乃碎戟於地帝徐曰然則朕甲卿乙乎乃入郡姓仍曰卿非宗起乃起宗也

郡姓者郡之大姓著姓也今百氏郡望蓋始於此

考異曰北史薛聰傳為羽林監帝曾與朝臣論海內姓地人物戲謂聰曰人謂卿諸薛是蜀人定是蜀人不聰對曰臣遠祖廣德世事漢朝時人呼為漢臣九世祖永隨劉備入蜀時人呼為蜀臣今事陛下是虜非蜀也帝撫掌笑曰卿可自明非蜀何乃遂復苦朕聰因投戟而出帝曰薛監醉耳其見知如此今從元行沖後魏國典

帝與羣臣論選調

選須絹翻
調徒弔翻

曰近世高卑出身各有常

分

分扶
問翻

此果如何李冲對曰未審上古以來張官列位

為膏粱子弟乎為致治乎

為于偽翻
治直吏翻

帝曰欲為治耳冲

曰然則陛下何為專取門品不拔才能乎帝曰苟有過

人之才不患不知然君子之門借使無當世之用要自

德行純篤朕故用之冲曰傳說呂望豈可以門地得之

謂傳說起於版築呂望起於
屠釣也行下孟翻說讀曰悅

帝曰非常之人曠世乃有

一二耳祕書令李彪曰陛下若專取門地不審魯之三

卿孰若四科

魯三卿李孫孟孫叔孫氏也孔門四科德行言語政事文學也

著作佐郎

韓顯宗曰陛下豈可以貴襲貴以賤襲賤帝曰必有高

明卓然出類拔萃者朕亦不拘此制頃之劉昶入朝

劉昶

自彭城入朝

帝謂昶曰或言唯能是寄不必拘門朕以

為不爾何者清濁同流混齊一等君子小人名器無別

別彼列翻

此殊為不可我今八族以上士人品第有九九品

之外小人之官復有七等

後之流內銓流外銓蓋分於此復扶又翻

若有其

人可起家為三公正恐賢才難得不可止為一人渾我

典制也

為于偽翻
渾翻本翻

臣光曰選舉之法先門地而後賢才

先後皆去聲

此魏晉

之深弊而歷代相因莫之能改也夫君子小人不

於世祿與側微

書序虞舜側微孔穎達疏曰不在朝廷謂之側其人貧賤謂之微

以

今日視之愚智所同知也當是之時雖魏孝文之賢

猶不免斯弊故夫明辯是非而不惑於世俗者誠鮮

矣

鮮息
沒翻

壬辰魏徙始平王勰為彭城王復定襄縣王鸞為城陽

王封今復之鷺以赭陽之敗降

二月壬寅魏詔羣臣自非金革

聽終三年喪

丙午魏詔畿內七十已上暮春赴京師

行養老之禮三月丙寅宴羣臣及國老庶老於華林園

詔國老黃耆已上假中散大夫郡守耆年已上假給事

中縣令庶老直假郡縣各賜鳩杖衣裳

熊氏曰國老謂卿大夫致仕者

庶老謂士也皇氏曰庶老兼庶人在官者毛萇曰黃黃髮也耆老艾也陸德明曰耆至也言至老境也漢儀仲秋之月縣道皆案戶比民年始七十者授以玉杖舖之康粥八十者禮有加賜玉杖長九尺端以鳩鳥為飾鳩者不噎之鳥也欲老人不噎耳

耆音苟郡縣之下當有逸字

丁丑魏詔諸州中正

各舉其鄉之民望年五十以上守素衡門者授以令長

毛萇曰衡門橫木為門
言淺陋也長知兩翻

壬午詔乘輿有金銀飾校者皆

剔除之

乘繩證翻校戶教翻校欄格也飾其校飾其欄
格也又居致翻義與較同以金飾器謂之較

上志慕節儉太官嘗進裹蒸上曰我食此不盡可四破

之餘充晚食

今之裹蒸以糖和糯米入香藥松子胡桃
仁等物以竹箚裹而蒸之大纔二指許不

勞四破也者

又嘗用皁莢以餘灤授左右曰此可更用

皁莢不極

高大莢形如豬牙去垢膩洗沐多
用之灤音郎狄翻更居孟翻再也

太官元日上壽有銀

酒鎗上欲壞之

太平御覽云鎗即
當字壞音怪下同

王晏等咸稱盛德衛

尉蕭穎胄曰朝廷盛禮莫若三元

玉燭寶典曰正月為端月其一日為上日

亦云三元謂歲之元月之元時之元也

此一器既是舊物不足為侈上不

悅後預曲宴銀器滿席

內宴於宮中謂之曲宴

穎胄曰陛下前欲

壞酒鎗恐宜移在此器上甚慙上躬親細務綱目亦密

於是郡縣及六署九府常行職事莫不啟聞取決詔敕

按蕭子顯齊志六署者尚書左右僕射左右丞所通署除署功論封爵貶黜八議疑讞六案也九府者太常光

祿勳衛尉廷尉大司農少府將作大匠太僕大鴻臚九卿府也

文武勳舊皆不歸選部

選須

親戚憑藉互相通進人君之務過繁密南康王侍

絹翻

郎潁川鍾嶸上書言古者明君揆才頒政量能授職三

公坐而論道九卿作而成務

嶸乎萌翻古者三公論道六卿分職周官考工記坐

而論道謂之三公作而行之謂之士大夫注云親受其職居其官也

天子唯恭已南面而

已書奏上不憚謂大中大夫顧音曰鍾嶸何人欲斷朕

機務卿識之不

音古老翻斷音短不讀曰否

對曰嶸雖位末名卑而

所言或有可采且繁碎職事各有司存今人主總而親

之是人主愈勞而人臣愈逸所謂代庖人宰而為大匠

斲也上不顧而言他

齊明帝以吏事權詐得國猜防羣下故親攬機務王莽之親御燈火

其計慮亦如此
耳為子偽翻

夏四月甲辰魏廣州刺史薛法護來

降

以蕭子顯齊書考之廣州不在太和十年分置三十

時廣州亦當置於

魏寇司州櫟城戍主魏僧珉拒破之

魯陽也降戶江翻
櫟城即左傳吳伐楚入棘櫟麻之櫟
杜預注曰汝陰新蔡縣東北有櫟亭

五月丙戌魏營

方澤於河陰又詔漢魏晉諸帝陵百步內禁樵蘇

此諸陵皆

謂在河南者

丁亥魏主有事於方澤

秋七月魏廢皇后馮

氏初文明太后欲其家貴重簡馮熙二女入掖庭其一

早卒其一得幸於魏主未幾有疾還家為尼及太后殂

帝立熙少女為皇后

幾居豈翻少詩沼翻

既而其姊疾愈帝思之

復迎入宮拜左昭儀后寵浸衰昭儀自以年長且先入

宮不率妾禮

復扶又翻長丁丈翻今知兩翻率循也

后頗愧恨昭儀因譖

而廢之

為後昭儀為后及不終張本

后素有德操遂居瑤光寺為練

行尼

練行謂修練戒行也瑤光寺在洛陽宮側行下孟翻

魏主以久旱自癸未

不食至於乙酉羣臣皆詣中書省請見帝在崇虛樓

武帝

永明九年魏移道壇於桑乾之陰改曰崇虛寺此蓋遷洛後建崇虛樓於禁中齋戒則居之見賢遍翻

遣

舍人辭焉且問來故

舍人即中書舍人問其所以來請見之故

豫州刺史王

肅對曰今四郊雨已霑洽獨京城微少細民未乏一餐

而陛下輟膳三日臣下惶惶無復情地

少詩沼翻復扶又翻

帝使

舍人應之曰朕不食數日猶無所感比來中外貴賤皆

言四郊有雨

比毗至翻

朕疑其欲相寬免未必有實方將遣

使視之

使疏吏翻

果如所言即當進膳如其不然朕何以生

為當以身為萬民塞咎耳

塞悉則翻

是夕大雨

魏太子恂

不好學體素肥大苦河南地熱常思北歸魏主賜之衣

冠恂常私著胡服

好呼到翻著防略翻

中庶子遼東高道悅數切

諫恂惡之

數所角翻
惡烏路翻

八月戊戌帝如嵩高恂與左右密

謀召牧馬輕騎奔平城手办道悅於禁中中領軍元儼

勒門防遏

嚴勒門衛以防遏
其變騎奇寄翻

入夜乃定詰旦尚書陸琇

馳以啟帝

詰去吉翻
琇音秀

帝大駭祕其事仍至汴口而還

汴口

汴水與河通之口至此而
後還以安人心還從宣翻

甲寅入宮引見恂數其罪親

與咸陽王禧更代杖之百餘下

見賢遍翻數所
具翻更工衡翻

扶曳出

外囚於城西月餘乃能起 丁巳魏相州刺史南安惠

王禎卒

相息亮翻謚法柔質愛
民曰惠愛民好與曰惠

九月戊辰魏主講武

於小平津癸酉還宮 冬十月戊戌魏詔軍士自代來

者皆以為羽林虎賁

賁音奔

司州民十二夫調一吏以供

公私力役

此時魏以洛為司州調徙予翻

魏吐京胡反

魏世祖太平真君九年置

吐京郡水經注曰吐京即漢西河郡吐軍縣夷夏俗音訛也

詔朔州刺史元彬行汾

州事帥并肆之衆以討之

大和十二年置汾州治蒲子縣西河吐京定陽北鄉正平

五城中陽絳郡皆屬焉并州領太原上黨樂平鄉郡太平真君七年置肆州領新興秀容鴈門郡帥讀曰率下

同 彬禎之子也彬遣統軍奚康生擊叛胡破之追至車

突谷又破之

五代史志離石郡太和縣後周置烏突郡烏突縣蓋因車突谷而名之也俘雜

畜以萬數

畜許
救翻

詔以彬為汾州刺史胡去居等六百餘

人保險不服彬請兵二萬以討之有司奏許之魏主大

怒曰小寇何有發兵之理可隨宜討治

治直
之翻

若不能克

必須大兵者則先斬刺史然後發兵彬大懼督帥州兵

身先將士

身先
薦翻

討去居平之

魏主引見羣臣於清

徽堂

見賢
遍翻

議廢太子恂太子太傅穆亮少保李冲免冠

頓首謝帝曰卿所謝者私也我所議者國也大義滅親

古人所貴

左傳以是
語美石碣

今恂欲違父逃叛跨據恒朔

魏太
祖天

興中置司州治代都平城太和都洛改為恒州杜佑曰
魏恒州在唐代郡安邊馬邑縣界朔朔州也宋白曰後
魏都平城置司州及代尹及邊洛陽置司州於洛以平
城為恒州隋雲中郡恒安鎮即其地後魏懷朔鎮孝文
遷洛於定襄故城置朔州在唐朔
州北三百八十里恒戶登翻下同 天下之惡孰大焉若

不去之

去羌
呂翻

乃社稷之憂也閏月丙寅廢恂為庶人

考

異曰齊書魏虜傳云大馮有寵日夜讒恂魏書無之又
魏帝紀在十二月丙寅按長歷魏閏十一月齊閏十二
月今從 置於河陽無鼻城 水經渙水出河內軹縣原山
南流注於河水東有無辟邑

謂之無鼻城蕭子顯
曰在河橋北二里

以兵守之服食所供粗免饑寒而

已

粗坐
五翻

戊辰魏置常平倉 戊寅太子寶卷冠

卷讀
曰捲

冠古
玩翻

初魏文明太后欲廢魏主穆泰切諫而止

見一百三

十七卷世祖
永明八年

由是有寵及帝南遷洛陽所親任者多中

州儒士宗室及代人往往不樂

樂音洛

泰自尚書右僕射

出為定州刺史自陳久病土溫則甚乞為恒州帝為之

徙恒州刺史陸叡為定州以泰代之

為于偽翻
下強為同

泰至叡

未發遂相與謀作亂陰結鎮北大將軍樂陵王思譽安

樂侯隆撫冥鎮將魯郡侯業驍騎將軍超等共推朔州

刺史陽平王頤為主思譽天賜之子

汝陰王天賜景穆
太子之子於魏主

為叔祖樂音洛將即亮翻堅堯奇寄翻業丕之弟隆超皆丕之子也翻

以為洛陽休明

左傳楚子伐陸渾之戎遂至於洛觀兵於周疆定王使王孫滿勞楚子楚子問

鼎之大小輕重焉王孫滿曰德之休明雖小重也其奸回昏亂雖大輕也天祚明德有所底止周德雖衰天命未改鼎之輕重未可問也勸泰緩之泰由是未發願偽許泰等以安

其意而密以狀聞行吏部尚書任城王澄有疾

行吏部尚書者

行吏部尚書事未為真也任音壬

帝召見於凝閒堂

見賢遍翻

謂之曰穆泰

謀為不軌扇誘宗室

誘音西

脫或必然今遷都南爾北人

戀舊南北紛擾朕洛陽不立也此國家大事非卿不能

辦卿雖疾強為我北行

強其兩翻為于偽翻

審觀其執儻其微弱

直往擒之若已彊盛可承制發并肆兵擊之對曰泰等

愚惑正由戀舊為此計耳非有深謀遠慮臣雖驚怯足

以制之

驚音奴

願陛下勿憂雖有大馬之疾何敢辭也帝

笑曰任城肯行朕復何憂

復扶又翻下正復同

遂授澄節銅虎竹

使符御杖左右

漢文帝二年初與郡守為銅虎符竹使符應劭曰銅虎符第一至第五國家當

發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五魏晉以下竹使

符第一至第十御杖左右帶御杖在仍行恒州事行至

天子左右者授澄以為衛使疏吏翻

鴈門鴈門太守夜告云泰已引兵西就陽平

陽平王頤刺朔州在

平城西宋白曰朔州東北至平城二百六十里

澄遽令進發右丞孟斌曰事未

可量宜依敕召并肆兵然後徐進澄曰泰既謀亂應據

堅城而更迎陽平度其所為當似執弱

斌音彬量音良度徒洛翻泰

既不相拒無故發兵非宜也但速往鎮之民心自定遂

倍道兼行先遣治書侍御史李煥單騎入代

漢宣帝幸宣室齋居

而決事令侍御史二人治書侍側後因別置謂之治書侍御史魏謂平城為代郡治直之翻騎奇寄翻

出

其不意曉諭泰黨示以禍福皆莫為之用泰計無所出

帥麾下數百人攻煥不克

帥讀曰率

走出城西追擒之澄亦

尋至

尋繼也

窮治黨與收陸叡等百餘人皆繫獄民間帖

然澄具狀表聞帝喜召公卿以表示之曰任城可謂社

稷臣也觀其獄辭正復舉陶何以過之

陶餘招翻

顧謂咸陽

王禧等曰汝曹當此不能辦也

魏主謀入寇引見公

卿於清徽堂曰朕卜宅土中綱條粗舉

書說命曰若網在綱有條而不

素見賢遍翻粗坐五翻

唯南寇未平安能效近世天子下帷於深

宮之中乎朕今南征決矣但未知早晚之期比來術者

皆云今往必克

比毗至翻

此國之大事宜君臣各盡所見勿

以朕先言而依違於前同異於後也李冲對曰凡用兵

之法須先論人事後察天道今卜筮雖吉而人事未備

遷都尚新秋穀不稔未可以興師旅如臣所見宜俟來

秋帝曰去十七年朕擁兵二十萬

齊世祖永明十一年魏高祖之太和十七

年也魏定遷洛之議而止南伐之師至去年方入寇蓋十九年也二十萬亦當作三十萬事並見上年去猶昨

也又按當時衆號三十萬實則二十萬耳

此人事之盛也而天時不利今天

時既從復云人事未備

復扶又翻

如僕射之言是終無征伐

之期也寇戎咫尺異日將為社稷之憂朕何敢自安若

秋行不捷諸君當盡付司寇不可不盡懷也

魏既都洛通近淮漢

故急於南伐以攘斥境土

魏主以有罪徙邊者多逋亡乃制一人

逋亡闔門充役光州刺史博陵崔挺上書諫曰天下善

人少惡人多

少詩

若一人有罪延及闔門則司馬牛受

桓魋之罰柳下惠嬰盜跖之誅

司馬牛之於桓魋柳下惠之於盜跖皆兄弟賢

不肖既相遠而兄弟罪不相及古法也魋徒回翻跖之石翻

豈不哀哉帝善之遂除

其制

資治通鑑卷一百四十

欽定四庫全書

資治通鑑卷一百四十一 宋 司馬光 撰

胡三省 音註

齊紀七

起疆圉赤奮若盡著
雍攝提格凡二年

高宗明皇帝下

建武四年春正月大赦

考異曰齊帝紀云庚午大赦
按長曆是月己丑朔無庚午故

不日

丙申魏立皇子恪為太子魏主宴於清徽堂語及

太子恂李冲謝曰臣忝師傅不能輔導帝曰朕尚不能

化其惡師傅何謝也 乙巳魏主北巡 初尚書令王

晏為世祖所罷任

事見一百三十六卷世祖永明七年

及上謀廢鬱林王

晏即欣然推奉

事見一百三十九卷元年

鬱林王已廢上與晏宴於

東府語及時事晏抵掌曰公常言晏怯今定何如上即

位晏自謂佐命新朝常非薄世祖故事既居朝端

尚書令位

居朝臣之右朝直遙翻

事多專決內外要職並用所親每與上爭

用人上雖以事際須晏

事際謂舉事之際須者倚其為用

而心惡之

惡烏

翻路

嘗料簡世祖中詔

料音聊

得與晏手敕三百餘紙皆論

國家事又得晏啟諫世祖以上領選事

見一百三十七卷永明八年選

須綰翻

以此愈猜薄之始安王遙光勸上誅晏上曰晏於

我有功且未有罪遙光曰晏尚不能為武帝安能為陛

下乎

為子偽翻

上默然上遣腹心陳世範等出塗巷採聽異

言晏輕淺無防意望開府數呼相工自視

數所角翻相息亮翻

云

當大貴與賓客語好屏人請間

好呼到翻屏必郢翻

上聞之疑晏

欲反遂有誅晏之意奉朝請鮮于文粲密探上旨

朝直遙翻

探吐南翻

告晏有異志世範又啟上云晏謀因四年南郊與

世祖故主帥於道中竊發

帥所類翻

會虎犯郊壇上愈懼未

郊一日有敕停行先報晏及徐孝嗣孝嗣奉旨而晏陳

郊祀事大必宜自力上益信世範之言丙辰召晏於華

林省誅之

省在華林園因名乃召晏誅之本紀丙辰晏伏誅丙辰正月二

考異曰晏傳云元會畢

十八日也按郊禮必在正月既云未郊一日敕停則誅晏必非元會之日也本傳蓋言元會禮後耳并北

中郎司馬蕭毅臺隊主劉明達

明達蓋世祖時主帥

及晏子德元

德和下詔云晏與毅明達以河東王鉉識用微弱謀奉

以為主使守虛器晏弟詡為廣州刺史上遣南中郎司

馬蕭李敞襲殺之李敞上之從祖弟也

從才用翻
下晏從同

蕭毅

奢豪好弓馬為上所忌故因事陷之

殺高帝從子新吳
侯景先之子也好

呼到

河東王鉉先以年少才弱故未為上所殺鉉朝見

常鞠躬俯偻

少詩照翻朝直遙翻見賢遍翻偻力
主翻鞠躬曲身也俯低頭偻曲背

不敢

平行直視至是年稍長

長知
兩翻

遂坐晏事免官禁不得與

外人交通鬱林王之將廢也晏從弟御史中丞思遠謂

晏曰兄荷世祖厚恩

荷下
可翻

今一旦贊人如此事彼或可

以權計相須未知兄將來何以自立若及此引決猶可

保全門戶不失後名

欲使之死鬱林之難也

晏曰方噉粥未暇此

事及拜驃騎將軍

帝初即位進宴為驃騎大將軍噉徒濫翻又徒覽翻驃匹妙翻騎奇寄翻

集會子弟謂思遠兄思徵曰隆昌之末阿戎勸吾自裁

若從其語豈有今日思遠遽應曰如阿戎所見今猶未

晚也

晉宋間人多謂從弟為阿戎至唐猶然如杜甫於從弟杜位宅守歲詩云守歲阿戎家是也

思

遠知上外待晏厚而內已疑異乘間謂晏曰時事稍異

兄亦覺不

問古菟翻不讀曰否

凡人多拙於自謀而巧於謀人晏

不應思遠退晏方歎曰世乃有勸人死者旬日而晏敗

上聞思遠言故不之罪仍遷侍中晏外弟尉氏阮孝緒

亦知晏必敗

尉氏縣漢屬陳畱江左僑置於今六合縣界屬秦郡阮氏本尉氏人此時未必居秦

郡界外弟妻弟也

晏屢至其門逃匿不見嘗食醬美問知得於

晏家吐而覆之

既吐其所食者又覆其所餘者

及晏敗人為之懼

為于偽翻

孝緒曰親而不黨何懼之有卒免於罪

卒子恤翻

二月壬

戌魏主至太原

甲子以左僕射徐孝嗣為尚書令

代王

也征虜將軍蕭季敞為廣州刺史

代晏弟誦也

癸酉魏主

至平城引見穆泰陸叡之黨問之

見賢遍翻

無一人稱枉者

時人皆服任城王澄之明穆泰及其親黨皆伏誅賜陸

叡死於獄宥其妻子徙遼西為民

考異曰齊書魏虜傳云偽征北將軍恒

州刺史鉅鹿孤賀鹿渾守桑乾宏從叔平陽王安壽戍懷柵在桑乾西北渾非宏任用中國人與偽定州刺史

馮翊公自鄰安樂公主拓拔阿幹兒謀立安壽分據河北期久不遂安壽懼告宏殺渾等數百人任安壽如故

與魏書名姓全不同今從魏書

初魏主遷都變易舊俗并州刺史新興

公丕皆所不樂

樂音洛

帝以其宗室耆舊亦不之逼但誘

示大理令其不生同異而已

示以事理之大歸而已不反覆告語之誘音酉

及

朝臣皆變衣冠朱衣滿坐

朝直遙翻坐徂卧翻

而不獨胡服於其

間晚乃稍加冠帶而不能修飾容儀帝亦不强也

強其兩翻

太子恂自平城將遷洛陽元隆與穆泰等密謀留恂因

舉兵斷關規據陜北

陜北即恒朔二州之地關即雁門之東陜西陜二關也斷丁管翻陜

音刑丕在并州隆等以其謀告之丕外慮不成口雖折難

折之列翻心頗然之及事覺丕從帝至平城帝每推問

難乃旦翻

泰等常令丕坐觀有司奏元業元隆元超罪當族丕應

從坐帝以丕嘗受詔許以不死聽免死為民留其後妻

二子與居於太原殺隆超同產乙升

同產同母兄弟

餘子徙敦

煌敦徒門翻初丕叡與僕射李冲領軍于烈俱受不死之詔

叡既誅帝賜冲烈詔曰叡反逆之志自負幽冥違誓在

彼不關朕也反逆既異餘犯雖欲矜恕如何可得然猶

不忘前言聽自死別府不就恒州刺史府賜死而死於獄故曰別府免其孥

戮書甘誓曰予則孥戮汝孔安國注曰孥子也免其孥戮謂叡妻子免死徙遼西也孥音奴元丕二

子一弟首為賊端連坐應死特恕為民朕本期始終而

彼自棄絕違心乖念一何可悲故此別示想無致怪謀

反之外皎如白日耳冲烈皆上表謝

臣光曰夫爵祿廢置殺生予奪人君所以馭臣之大

柄也

此周禮所謂八柄馭羣臣者也予讀曰與

是故先王之制雖有親故

賢能功貴勤賓苟有其罪不直赦也必議於槐棘之

下

此周禮所謂八議也槐棘公卿之位王制獄成大司寇聽之於棘木之下

可赦則赦可

宥則宥可刑則刑可殺則殺輕重視情寬猛隨時故

君得以施恩而不失其威臣得以免罪而不敢自恃

及魏則不然勳貴之臣往往豫許之以不死彼驕而

觸罪又從而殺之是以不信之令誘之使陷於死地

也

誘音酉

刑政之失無此為大焉

是時代鄉舊族多與泰等連謀唯于烈無所染涉帝由

是益重之帝以北方酋長及侍子畏暑

酋自秋翻長知兩翻

聽秋

朝洛陽春還部落時人謂之鴈臣

以鴈避寒而南來望暖而北還也朝直遙

翻

三月己酉魏主南至離石

離石漢縣屬西河郡隋為離石郡唐為石州

叛胡請降詔宥之

降戶江翻

夏四月庚申至龍門遣使祀夏

禹

水經註龍門上口在漢河東北屈縣西所謂孟門也龍門下口在河東皮氏縣西北大禹所鑿故於此祀

馬

癸亥至蒲坂祀虞舜

皇甫謐云舜都蒲坂故又於此祀馬坂音反

辛未至

長安 魏太子恂既廢頗自悔過御史中尉李彪密表

恂復與左右謀逆

復扶又翻

魏主使中書侍郎邢巒與咸陽

王禧奉詔齎椒酒詣河陽賜恂死

椒味辛大熱有毒其合口者尤甚漢桓思

后之議李咸持椒自隨帝煮椒二斛以殺高武諸子孫皆是物也

歛以羸棺常服瘞於

河陽

歛力膽翻瘞一計翻

癸未魏大將軍宋明王劉昶卒於彭

城葬以殊禮

謚法思慮果遠曰明謂昶遠慮果於違難而歸魏也

五月己丑魏

主東還

還從宣翻又如字

汎渭入河壬辰遣使祀周文王於豐

武王於鎬

亦於故都祀之也周之豐鎬漢時悉在上林苑中使疏吏翻

六月庚申還

洛陽 壬戌魏發冀定瀛相濟五州兵二十萬

魏太宗泰常八年

年置濟州於濟北碣磣城領濟北平原東平南清河郡相息亮翻濟子禮翻

將入寇

魏穆

泰之反也中書監魏郡公穆罷與之通謀赦後事發削

官爵為民罷弟司空亮以府事付司馬慕容契上表自

劾

劾戶槩翻又戶得翻

魏主優詔不許亮固請不已癸亥聽亮遜

位 丁卯魏分六師以定行畱

秋七月魏立昭儀馮

氏為皇后后欲毋養太子恪恪毋高氏自代如洛陽暴

卒於其縣

馮昭儀既諧廢其妹又潛殺太子之母其心蓋泉鏡也以魏主之明而使之正位椒房他

日不死於其手者幸耳共縣自漢以來屬河內郡
晉及後魏屬汲郡唐衛州共城縣即其地共音恭

戊

辰魏以穆亮為征北大將軍開府儀同三司冀州刺史

八月丙辰魏詔中外戒嚴

將南伐也

壬戌魏立皇子愉

為京兆王懌為清河王懷為廣平王 追尊景皇所生

王氏為恭太后

帝即位尊始安貞王曰景
皇稱皇不稱帝用漢制也

甲戌魏講

武於華林園庚辰軍發洛陽使吏部尚書任城王澄居

守

任城王澄至是始為真
吏部尚書守式又翻

以御史中丞李彪兼度支尚

書

中丞當作中
尉度徒洛翻

與僕射李冲參治留臺事

治直
之翻

假彭城

王勰中軍大將軍

勰音協

勰辭曰親疎並用古之道也臣

獨何人頻煩寵授昔陳思求而不允

曹魏文帝時陳思王植上表求自貳

以攻吳蜀帝不許

愚臣不請而得何否泰之相遠也

天地交曰泰天地不

交曰否陳思於魏文上下之情不通故曰否

魏主大笑

執勰手曰二曹以才名相忌

二曹謂魏文帝陳思王也

吾與汝以道

德相親上遣軍主直閭將軍胡松助北襄城太守成公

期戌赭陽

赭音者

軍主鮑舉助西汝南北義陽二郡太守

黃瑤起戌舞陰

蕭子顯齊志西汝南屬雍州北義陽屬雍州寧蠻府自宋未有雙頭郡太守率

治一處舞陰縣自漢以來屬南陽郡為西汝南北義陽二郡治所

魏以氏帥楊靈珍

為南梁州刺史靈珍舉州來降

魏置梁州於仇池置南梁州於武興帥所類翻

降戶江翻下同

送其母及子於南鄭以為質

質音致

遣其弟婆羅

阿卜珍將步騎萬餘襲魏武興王楊集始

將即亮翻騎奇寄翻殺

其二弟集同集眾集始窘急請降九月丁酉魏主以河

南尹李崇為都督隴右諸軍事將兵數萬討之初魏

遷洛陽荊州刺史薛真度勸魏主先取樊鄧

此時魏荊州猶治魯

陽樊鄧逼近洛陽欲先取之以廣封畧

真度引兵寇南陽太守房伯玉擊

敗之

此謂去年沙塢之敗也擊敗補遣翻

魏主怒以南陽小郡志必滅之

遂引兵向襄陽彭城王勰等三十六軍前後相繼衆號

百萬吹脣沸地

吹脣者以齒齧脣作氣吹之其聲如鷹隼其下者以指夾脣吹之然後有聲謂

之嘯

辛丑魏主留諸將攻赭陽自引兵南下癸卯至宛

夜襲其郛克之

宛於元翻郛芳無翻城之外郭曰郛

房伯玉嬰內城拒守

魏主遣中書舍人孫延景

考異曰齊書作公孫雲今從魏書

謂伯玉曰

我今蕩壹六合非如曩時冬來春去不有所克終不還

北卿此城當我六龍之首

易曰時乘六龍以御天人君之象也

無容不先

攻取遠期一年近止一月封侯梟首事在俯仰宜善圖

之

梟堅
堯翻

且卿有三罪今令卿知卿先事武帝蒙殊常之

寵不能建忠致命而盡節於其讐罪一也

明帝夷滅武帝子孫故謂

之

頃年薛真度來卿傷我偏師罪二也今鸞輅親臨不

面縛麾下罪三也伯玉遣軍副樂稚柔對曰承欲攻圍

期於必克卑微常人得抗大威真可謂獲其死所外臣

蒙武帝採拔豈敢忘恩但嗣君失德主上光紹大宗

言帝

自小宗入為高帝第三子以紹大宗

非唯副億兆之深望抑亦兼武皇之

遺教是以區區盡節不敢失墜往者北師深入寇擾邊

民輒厲將士以修職業

將即亮翻

反已而言不應垂責宛城

東南隅溝上有橋魏主引兵過之伯玉使勇士數人衣

班衣戴虎頭帽

人衣如旣翻虎頭帽者帽為虎頭形

伏於竇下突出擊之

魏主人馬俱驚召善射者原靈度射之

度射而亦翻

應弦而

斃乃得免

李崇槎山分道出氏不意表裏襲之

槎士下翻

逆斫木也

羣氏皆棄楊靈珍散歸靈珍之衆減大半崇進據

赤土

魏收志南秦州武階郡有赤土縣五代志武都郡覆津縣後魏置武階郡

靈珍遣從弟

建屯龍門自帥精勇一萬屯驚峽

按魏收志東益州武興郡有石門縣五代

志武都將利縣舊曰石門又仇池山下有飛龍峽以氏苗楊飛龍據仇池得名又今龍州江油縣東二十里有

龍門山又江油縣東百里有石門戍武興今為興州龍州去興州甚遠楊建所屯者必非江油之龍門也水經注仇池東北有龍門戍此其是歟驚峽當在龍門之北

數十里中伐樹塞路驚峽之口聚礮石臨崖下之以拒

魏兵

塞悉則翻礮盧對翻埤蒼曰推石自高而下也漢書李陵傳乘隅下壘石師古曰言放石以投入因

山隅曲而下也壘音

崇命統軍慕容拒帥衆五千從它

路入夜襲龍門破之崇自攻驚峽靈珍連戰敗走俘其

妻子遂克武興梁州刺史陰廣宗參軍鄭猷等將兵救靈珍崇進擊大破之斬楊婆羅阿卜珍生擒猷等靈珍奔還漢中魏主聞之喜曰使朕無西顧之憂者李崇也以崇為都督梁秦二州諸軍事梁州刺史以安集其地丁未魏主發南陽留太尉咸陽王禧等攻之己酉魏主至新野新野太守劉思忌拒守冬十月丁巳魏軍攻之不克築長圍守之遣人謂城中曰房伯玉已降汝何為獨取糜碎思忌遣人對曰城中兵食猶多未暇從汝

小虜語也魏右軍府長史韓顯宗將別軍屯赭陽

右軍府右

軍將軍府也將
即亮翻下同

成公期遣胡松引蠻兵攻其營

胡松時助成赭

陽顯宗力戰破之斬其裨將高法援顯宗至新野魏主

謂曰卿破賊斬將殊益軍勢朕方攻堅城何為不作露

布

五代史志曰後魏每攻戰克捷欲天下聞知迺書帛建於竿上名曰露布魏主謂顯宗若露布上聞行在

所則增益魏軍之勝勢可以搖城中堅守之心

對曰頃聞鎮南將軍王肅獲賊

二三人驢馬數匹皆為露布臣在東觀私常哂之

韓顯宗對

策甲科除著作郎故云在東觀觀近雖仰憑威靈得摧
古玩翻哂矢引翻笑不壞顏曰哂

醜虜兵寡力弱擒斬不多脫復高曳長纜虛張功烈尤

而效之其罪彌大

左傳曰尤而效之罪又甚焉尤責也過也甚之之辭也復扶又翻

臣

所以不敢為之解上而已

丁度集韻解居隘翻間上也上時掌翻自下而間於上謂

之魏主益賢之上詔徐州刺史裴叔業引兵救雍州

雍於

用翻下同

叔業啟稱北人不樂遠行唯樂鈔掠

樂音洛

若侵虜

境則司雍之寇自然分矣上從之叔業引兵攻虹城

此即

漢沛郡之虹縣城也師古曰虹音貢南北兵爭其地在下邳夏丘縣界唐復為虹縣屬泗州虹今讀如絳獲

男女四千餘人甲戌遣太子中庶子蕭衍右軍司馬張

稷救雍州十一月甲午前軍將軍韓秀方等十五將降

於魏

將即亮翻降戶江翻

丁酉魏敗齊兵於沔北

敗補遺翻

將軍王伏

保等為魏所獲

丙辰以楊靈珍為北秦州刺史

異曰考

齊氏傳作北梁州今從齊書

仇池公武都王

新野人張膺帥萬餘

家據柵拒魏

膺與豬同陟魚翻帥讀曰率下同

十二月庚申魏人攻拔

之雍州刺史曹虎與房伯玉不協故緩救之頤軍樊城

考異曰齊魏虜傳云均口今從虎傳

余謂曹虎之

頤軍樊城不特因與房伯玉不協而然亦由畏魏兵之

疆而不丁丑詔遣度支尚書崔慧景救雍州假慧景節

帥衆二萬騎十匹向襄陽雍州衆軍並受節度

度徒洛
翻雍於

用翻騎
奇寄翻

庚午魏主南臨沔水

沔彌
充翻

戊寅還新野將軍王

曇紛以萬餘人攻魏南青州黃郭戍

魏收志東魏孝靜
帝武定七年置義

塘郡治黃郭城又按五代志海州懷仁縣梁置南北
二青州東魏廢州立義塘郡及懷仁縣曇徒舍翻

魏

戍主崔僧淵破之舉軍皆沒將軍魯康祚趙公政將兵

萬人侵魏太倉口

據傳永傳太倉口在魏豫州界是時
魏置豫州於汝南新息縣廣陵城與

齊義陽隔淮對壘則太倉口當在淮北
岸以魏人積倉粟於此而有是名也

魏豫州刺史王

肅使長史清河傅永將甲士三十擊之康祚等軍於淮

南永軍於淮北相去十餘里永曰南人好夜斫營

好呼到翻

下好學同

必於渡淮之所置火以記淺乃夜分兵為二部伏

於營外又以瓠貯火

瓠戶候翻瓠也貯丁呂翻盛也

密使人過淮南岸

於深處置之戒曰見火起則亦然之

然與燃同

是夜康祚等

果引兵斫永營伏兵夾擊之康祚等走趨淮水

趨七喻翻

火

既競起不知所從溺死及斬首數千級

溺奴狄翻

生擒公政

獲康祚之尸以歸豫州刺史裴叔業侵魏楚王戍

裴叔業蓋

自徐州遷為豫州水經注鮑陽縣有葛陵城城東北有楚武王冢民謂之楚王瑟城魏蓋於此置戍因謂之楚

王肅復令永擊之

復扶又翻

永將心腹一人馳詣楚王戍令

填外塹

塹七艷翻

夜伏戰士千人於城外曉而叔業等至城

東部分將置長圍

分扶問翻

永伏兵擊其後軍破之叔業畱

將佐守營自將精兵數千救之

將即亮翻

永登門樓望叔業

南行數里即開門奮擊大破之獲叔業傘扇鼓幕甲仗

萬餘叔業進退失據遂走左右欲追之永曰吾弱卒不

滿三十彼精甲猶盛非力屈而敗自墮吾計中耳既不

測我之虛實足使喪膽

喪息浪翻

俘此足矣何更追之魏主

遣謁者就拜永安遠將軍汝南太守封貝丘縣男

守式又翻

永有勇力好學能文魏主常歎曰上馬能擊賊下馬作

露板唯傳脩期耳

言永有武幹又有文才也傳永字脩期

曲江公遙欣

好武事

好呼到翻

上以諸子尚幼內親則仗遙欣兄弟外親

則倚后弟西中郎長史彭城劉暄內弟太子詹事江祏

帝母景皇后祏之姑也故曰內弟

故以始安王遙光為揚州刺史居中

用事遙欣為都督荆雍等七州諸軍事荊州刺史鎮據

西面而遙欣在江陵多招材勇厚自封殖上甚惡之

惡烏

路遙欣海南郡太守劉季連李連密表遙欣有異迹包藏

禍心者謂之異志形見於事者謂之異迹上乃以季連為益州刺史為後劉李連據

益州張本使據遙欣上流以制之季連思考之子也思考劉連考之

弟是歲高昌王馬儒遣司馬王體玄入貢於魏請兵

迎接求舉國內徙魏主遣明威將軍韓安保迎之割伊

吾之地五百里以居儒衆儒遣左長史顧禮右長史金

城麴嘉將步騎一千五百迎安保而安保不至將即亮翻騎奇

寄禮嘉還高昌安保亦還伊吾安保遣其屬朝興安等

使高昌

朝姓也漢有鼂錯史記作朝錯朝直遙翻使疏吏翻

儒復遣顧禮將世子

義舒迎安保

復扶又翻下同

至白棘城去高昌百六十里高昌

舊人戀土不願東遷相與殺儒

魏太和五年馬儒始王高昌至是為國人所殺

立麴嘉為王

麴氏得高昌始此嘉字靈鳳金城橋中人

復臣於柔然安保獨

與顧禮馬義舒還洛陽

永泰元年

是年四月始改元

春正月癸未朔大赦

加中軍大

將軍徐孝嗣開府儀同三司孝嗣固辭

魏統軍李佐

攻新野丁亥拔之縛劉思忌問之曰今欲降未

降戶思江翻

忌曰寧為南鬼不為北臣

史言劉思忌忠於所事

乃殺之於是沔

北大震

沔彌充翻

戊子湖陽戍主蔡道福

湖陽縣故夢國漢屬南陽郡晉宋省

齊於此置戍湖陽既入魏置西淮安郡唐為湖陽縣屬唐州

辛卯赭陽戍主成公期

壬辰舞陰戍主黃瑤起南鄉太守席譙相繼南遁瑤起

為魏所獲魏主以賜王肅肅嚮而食之

黃瑤起殺王肅父奐見一百三

十八卷世祖永明十一年

乙巳命太尉陳顯達救雍州

雍於用翻

上有

疾以近親寡弱忌高武子孫時高武子孫猶有十王

王十

下所殺者是也

每朔望入朝

朝直遠翻

上還後宮輒歎息曰我及司

徒諸子皆不長

意呼遙光為司徒也考之遙光傳時未拜司徒詳考齊史帝弟安陸昭王緬先

帝卒建武元年贈司徒此蓋指言緬諸子也

高武子孫日益長大

長皆音丁丈翻今知

兩翻

上欲盡除高武之族以微言問陳顯達對曰此等豈

足介慮以問揚州刺史始安王遙光遙光以為當以次

施行遙光有足疾

遙光生而有雙疾

上常令乘輿自望賢門入

望賢門華林園門也本名鳳莊門以遙光父諱鳳改焉

每與上屏人久語畢上索

香火嗚咽流涕明日必有所誅

左右以此覘知之屏必郢翻索山客翻

會

上疾暴甚絕而復蘇

復扶又翻

遙光遂行其策丁未殺河東

王鉉臨賀王子岳西陽王子文永陽王子峻南康王子

琳衡陽王子珉湘東王子建南郡王子夏桂陽王昭粲

巴陵王昭秀於是太祖世祖及世宗諸子皆盡矣

鉉太祖子

子岳至子夏皆世祖子昭 鉉等已死乃使公卿奏其罪

狀請誅之下詔不許再奏然後許之

難將一人手掩盡天下目齊明帝之

詔類 南康侍讀濟陽江泌哭子琳淚盡繼之以血

禮翻

泌薄必翻 親視殯葬畢乃去 庚戌魏主如南陽二月

又兵媚翻

癸丑詔左衛將軍蕭惠休等救壽陽

是時魏不攻壽陽疑壽字悞

甲

子魏人拔宛北城房伯玉面縛出降

宛於元翻
降戶江翻

伯玉從

父弟思安為魏中統軍數為伯玉泣請魏主乃赦之

宋秦

始三年房法壽降魏故房氏羣從多仕於魏而思安得為伯玉請從才用翻數為上所角翻下於偽翻

庚

午魏主如新野辛巳以彭城王勰為使持節都督南征

諸軍事中軍大將軍開府儀同三司

勰音協使
疏吏翻

三月壬

午朔崔慧景蕭衍大敗於鄧城

鄧縣漢屬南陽郡宋大明末割襄陽西界為京

兆郡鄧縣屬焉其地在隋襄陽郡安養縣界唐貞元中又改安養縣為鄧城縣今鄧城縣在襄陽城北二十里

隔漢水按南北對境圖自鄧城南過新河至樊城

時慧景至襄陽五郡已陷沒

五郡謂南陽新野南鄉北襄城并西汝南北義陽二郡太守也 慧景與行及軍主劉山

陽傅法憲等帥五千餘人進行鄧城魏數萬騎奄至

帥讀

曰率行下孟 諸軍登城拒守時將士蓐食輕行皆有飢

翻騎奇寄翻

懼之色行欲出戰慧景曰虜不夜圍人城待日暮自當

去既而魏衆轉至慧景於南門拔軍去諸軍不相知相

繼皆遁魏兵自北門入劉山陽與部曲數百人斷後死

戰斷丁 且戰且却行慧景過閘溝

據蕭子顯齊書閘溝近沙塢沙塢在宛縣

界蓋塢水入此溝南流 運鄧城界而入於漢也

軍人相蹈藉

藉慈夜翻

橋皆斷壞魏

兵夾路射之

射而亦翻

殺傳法憲士卒赴溝死者相枕

枕之鴟翻

山陽取襖仗填溝乘之得免魏主將大兵追之晡時至

沔山陽據城苦戰

沔北有樊城山陽所據蓋即此城也

至暮魏兵乃退諸

軍恐懼是夕皆下船還襄陽庚寅魏主將十萬衆羽儀

華蓋以圍樊城曹虎閉門自守魏主臨沔水望襄陽岸

乃去如湖陽辛亥如懸瓠魏鎮南將軍王肅攻義陽裴

叔業將兵五萬圍渦陽以救義陽

渦陽城在漢沛郡山桑縣東南渦水逕其

南時為魏南兖州治所杜佑曰唐為亳州蒙城縣地渦音戈

魏南兖州刺史濟北孟

表守渦陽

魏南兗州領下蔡及梁
熊沛等郡濟子禮翻

糧盡食草木皮葉叔

業積所殺魏人高五丈以示城內

高居
傲翻

別遣軍主蕭瓚

等攻龍亢

龍亢縣漢屬沛郡晉屬譙國後省魏太和十
九年置下蔡郡龍亢縣屬焉晉灼曰亢音剛

龍亢城南臨渦
水瓚公回翻

魏廣陵王羽救之叔業引兵擊羽大破

之追獲其節魏主使安遠將軍傅永征虜將軍劉藻假

輔國將軍高聰救渦陽並受王肅節度叔業進擊大破

之聰奔懸瓠永收敗卒徐還叔業再戰凡斬首萬級俘

三千餘人獲器械雜畜財物以千萬計魏主命鎖三將

詣懸瓠

將即亮翻

劉藻高聰免死徙平州

魏平州治肥如城領遼西北平二郡

傅永奪官爵黜王肅為平南將軍肅表請更遣軍救渦

陽魏主報曰觀卿意必以藻等新敗故難於更往朕今

少分兵則不足制敵

少詩沼翻

多分兵則禁旅有闕卿審圖

之義陽當止則止當下則下若失渦陽卿之過也肅乃

解義陽之圍與統軍楊大眼奚康生等步騎十餘萬救

渦陽叔業見魏兵盛夜引軍退明日士衆奔潰魏人追

之殺傷不可勝數

勝音升下不勝

叔業還保渦口

渦口渦水入淮之口也渦

口對淮南岸即齊馬頭郡杜佑曰渦口今臨淮連水縣非也

初魏中尉李彪家世

孤微

李彪衛國頓丘人家素寒微少孤貧而好學

朝無親援初遊代都以清

淵文穆公李冲好士傾心附之

清淵縣漢屬魏郡晉以來屬平陽郡朝直遙翻

好呼到翻

冲亦重其材學禮遇甚厚薦於魏主且為之延譽

於朝

為於偽翻延譽者為之聲譽使所聞者遠

公私汲引

既公言之於朝而薦之於上又私語

同列引而進之引水而上曰汲取此義也

及為中尉彈劾不避貴戚

彈徒丹翻劾戶

槩翻

又戶得翻下同

魏主賢之以比汲黯彪自以結知人主不復

藉冲稍稍疎之唯公坐斂袂而已無復宗敬之意冲浸

銜之

復扶又翻
坐祖卧翻

及魏主南伐彪與冲及任城王澄共掌

留務彪性剛豪意議多所乖異數與冲爭辯形於聲色

數所
角翻

自以身為法官他人莫能糾劾事多專恣冲不勝

忿乃積其前後過惡禁彪於尚書省上表劾彪違傲高

亢

勝音升亢
苦浪翻

公行僭逸坐輿禁省

言坐輿而入禁省也
漢法不下公門為不

敬

私取官材輒駕乘黃

乘黃御馬也乘繩證翻杜佑曰
漢有未央廐令魏改為乘黃廐

乘黃古之神馬因以為名或亦名飛黃背有
角日行萬里淮南子云天下有道飛黃伏阜

無所憚懾

臣輒集尚書已下令史已上於尚書都坐

尚書都坐錄
今僕射尚書

因坐以彪所犯罪狀告彪訊其虛實彪皆伏罪請以見

處事免彪所居職付廷尉治罪

見事謂彪見所犯之事也見賢遍翻治直之翻

冲

又表稱臣與彪相識以來垂二十載

載子亥翻

見其才優學

博議論剛正愚意誠謂拔萃公清之人後稍察其人酷

急猶謂益多損少自大駕南行以來彪無尚書

彪以中尉兼度

支尚書

日夕共事始知其專恣無忌尊身忽物聽其言如

振古忠恕之賢

振古自古也

校其行寔天下佞暴之賊

行下孟翻

臣與任城卑躬曲已若順弟之奉暴兄其所欲者事雖

非理無不屈從依事求實悉有成驗如臣列得實

列謂陳列

其宜殛彪於北荒以除亂政之姦

詩曰取彼譖人投畀北毛注云北方寒

涼而不毛

所引無證宜投臣於四裔以息青蠅之譖

詩曰營營青蠅

止于棘譏人固極交亂四國

冲手自作表家人不知帝覽表歎悵久之曰不意留臺乃至於此既而曰道固可謂溢矣而僕

射亦為滿也

李彪字道固僕射謂冲也

黃門侍郎宋弁素怨冲而與

彪同州相善

弁廣平人彪頓立人二郡皆屬相州

陰左右之

左音佐右音佑

有司

處彪大辟

處昌呂翻下久處同辟毗亦翻

帝宥之除名而已

魏孝文於此可謂明

矣冲雅性愠厚及收彪之際親數彪前後過失瞋目大

呼投折几案御史皆泥首面縛

數所具翻瞋昌真翻呼

得罪而御史皆泥首面縛以謝冲以朝儀言之

冲詈辱

肆口遂發病荒悸言語錯繆時扼腕大罵稱李彪小人

悸其李翻

醫藥皆不能療或以為肝裂

怒氣傷肝怒甚

療故以

旬餘而卒帝哭之悲不自勝

勝音

贈司空冲勤

敏彊力久處要劇

處昌呂翻

文案盈積終日視事未嘗厭倦

職業修舉纔四十而髮白弟兄六人凡四母少時每多

忿競

少詩
照翻

及冲貴祿賜皆與共之更成敦睦然多援引

族姻私以官爵一家歲祿萬匹有餘時人以此少之

少詩

沼翻

魏主以彭城王勰為宗師

魏置宗師見一百二十三卷晉安帝元興

下同

三年勰
音協

詔使督察宗室有不帥教者以聞

帥讀
曰率

夏四

月甲寅改元

改元
永泰

大司馬會稽太守王敬則自以高

武舊將心不自安

會工外翻
將即亮翻

上雖外禮甚厚而內相疑

備

疑備者疑其為
變而為之防

數訪問敬則飲食體幹堪宜

堪勝也
宜適也

問其尚能勝兵及適
用與否也數所角翻

聞其衰老且以居內地故得少寬

少詩 沼翻 前二歲上遣領軍將軍蕭坦之將齋仗五百人行

武進陵

齊自武帝以上諸陵皆在武進行下孟翻

敬則諸子在都憂怖無計

怖普布翻

上知之遣敬則世子仲雄入東安尉之

自建康東入會稽尉

與慰

仲雄善琴上以蔡邕焦尾琴借之

蔡邕在吳吳人有燒桐以爨者

邕聞火烈之聲知其良木因請而裁為琴果有美音而其尾猶焦時人因名焦尾琴白虎通曰琴禁也禁止於邪以正人心也廣雅曰琴長三尺六寸六分象三百六十六日五絃象五行桓譚新論五絃第一絃為宮其次商角徵羽文王武王各加一絃以為少宮少商仲雄於御前鼓琴作懊儂歌

晉志

曰懊儂歌者隆安初俗間詛謠之曲歌云春草可攬結女兒可攬擷杜佑曰懊儂歌石崇妾綠珠所作絲布澁

難縫一曲而已。慎於報翻儂。曰常歎負情儂。儂音農。吳語也。郎如冬翻仲雄倣其曲而作歌。

今果行許。又曰君行不淨心。那得惡人題。惡烏路翻。上愈猜。

愧上疾屢危。乃以光祿大夫張瓌為平東將軍。吳郡太

守。瓌古回翻。守手又翻。置兵佐以密防。敬則中外傳言。當有異處。

分。處昌呂翻。分扶問翻。敬則聞之竊曰。東今有誰。只是欲平我耳。

東亦何易可平。易以鼓翻。吾終不受金甌。金甌謂鵠也。賜死者以

金甌盛鵠酒故云然。敬則女為徐州行事謝朓妻。朓土了翻。敬則子太

子洗馬。幼隆遣正員將軍徐岳以情告朓。官至將軍。而未有軍號者。

為正員將軍次為員外將軍洗悉薦翻

為計若同者當往報敬則朶執岳

馳啟以聞敬則城局參軍徐庶家在京口其子密以報

庶庶以告敬則五官掾王公林

自晉以來諸郡有五官掾

公林敬則

族子也常所委信公林勸敬則急送啟賜兒死單舟星

夜還都敬則令司馬張思祖草啟既而曰若爾諸郎在

都要應有信且忍一夕

言且遲一夜也

其夜呼僚佐文武檣蒲

謂衆曰卿諸人欲令我作何計莫敢先荅防閤丁興懷

曰官祇應作爾

言應作如此事謂應反也

敬則不應明旦召山陰令

王詢臺傳御史鍾離祖願

臺傳御史臺所遣督諸郡錢穀者傳株戀翻

敬則

橫刀跂坐

跂坐垂足而坐跟不及地跂去智翻

問詢等發丁可得幾人庫

見有幾錢物

見賢遍翻

詢稱縣丁猝不可集祖願稱庫物多

未輸入敬則怒將出斬之

將引也

王公林又諫曰凡事皆

可悔唯此事不可悔官詎不更思

詎豈也

敬則唾其面曰

我作事何闕汝小子敬則舉兵反招集配衣

配分給也衣於既翻

分給袍甲以衣被之

二三日便發前中書令何胤棄官隱居若邪

山

若邪山在會稽東南四十里邪讀曰耶

敬則欲劫以為尚書令長史王

弄璋等諫曰何令高蹈必不從不從便應殺之舉大事

先殺名賢事必不濟敬則乃止胤尚之之孫也

何尚之柄用於

宋文武兩朝

庚午魏發州郡兵二十萬人期八月中旬集

懸瓠

復欲南伐也

魏趙郡靈王幹卒

謚法亂而不損曰靈

上聞王

敬則反收王幼隆及其兄員外郎世雄

此即敬則世子仲雄也仲世二

字必有一悞

記室參軍季哲

敬則為大司馬以其子為記室參軍

其弟太子舍

人少安等皆殺之

少詩照翻

長子黃門郎元遷將千人在徐

州擊魏

長知兩翻將即亮翻

敕徐州刺史徐玄慶殺之前吳郡太

守南康侯子恪嶷之子也

豫章王嶷武帝之弟嶷魚力翻

敬則起兵以

奉子恪為名子恪亡走未知所在始安王遙光勸上盡

誅高武子孫於是悉召諸王侯入宮晉安王寶義江陵

公寶覽等處中書省

寶義皇子寶覽也處昌呂翻下同

高武諸孫處西

省

據蕭子恪傳西省永福省也至唐分三省以門下省為西省中書省為東省

敕人各從左

右兩人過此依軍法孩幼者與乳母俱入其夜令太醫

煮椒二斛都水辦棺材數十具

前漢都水屬水衡都尉後漢光武省水衡都尉

并少府都水屬郡國晉屬大司農蕭子顯志無都水都
官尚書有水曹以此考之都水當屬將作大匠然齊大

匠卿不常置故都水之須三更當盡殺之須待也三更丙夜也更工

衡子恪徒跣自歸二更達建陽門刺啟書姓名於奏白日刺啟奏也既

達姓名又啟陳其事時刻已至而上眠不起中書舍人沈徽字與

上所親左右單景雋共謀少畱其事須臾上覺單上演翻少詩

沼翻覺古孝翻寢而寤謂之覺景雋啟子恪已至上驚問曰未邪未邪

景雋具以事對上撫牀曰遙光幾誤人事單景雋具以子恪所啟之

事對上乃謂幾為遙光所誤而濫殺幾居希翻乃賜王侯供饌饌雛戀翻明日

悉遣還第以子恪為太子中庶子寶覽緬之子也緬上弟也

緬彌
究翻

敬則帥實甲萬人過浙江今之錢塘江也帥讀曰率張瓌遣兵

三千拒敬則於松江

松江在吳郡吳縣南古笠澤也今屬蘇州吳江縣

聞敬則

軍鼓聲一時散走瓌棄郡逃民間敬則以舊將舉事百

姓擔篙荷鍤隨之者十餘萬衆

將即亮翻擔都甘翻篙古勞翻竹竿也用以撐

船荷下可翻鍤楚洽翻鑿也

至晉陵南沙人范脩化殺縣令公上延

孫以應之

公上複姓也敬則本晉陵南沙人故范脩化舉縣應之

敬則至武進陵

口慟哭而過

蕭氏之先葬武進高帝之殂也從其先兆亦葬武進號泰安陵敬則懷高帝恩故慟

哭而過陸游曰自常州西北至呂城過陵口見大石獸
偃仆道旁已殘缺蓋南朝陵墓齊明帝時王敬則反至

陵口慟哭而過是也距丹陽縣三十餘里丹陽古所謂曲阿或曰雲陽宋白曰吳大帝改丹陽為武進縣吳末併入晉陵縣烏程丘仲孚為曲阿令敬則前鋒奄至仲孚謂

吏民曰賊乘勢雖銳而烏合易離今若收船艦鑿長岡

埭

長岡在曲阿縣界今謂之上下夾埭埭即今之上金斗門易以豉翻艦戶黯翻埭徒耐翻

瀉瀆水

以阻其路得留數日臺軍必至如此則大事濟矣敬則

軍至值瀆涸果頓兵不得進五月詔前軍司馬左興盛

後軍將軍崔恭祖輔國將軍劉山陽龍驤將軍馬軍主

胡松築壘於曲阿長岡

驤思將翻

右僕射沈文季為持節都

督心湖頭備京口路

湖頭玄武湖頭也其地東接蔣山西巖下西抵玄武湖隄地勢坦平

當京口

恭祖慧景之族也

前書後軍將軍崔恭祖接魏晉以來官制左右前後將軍

大路

是為四軍恭祖位號未能至此齊書王敬則傳作後軍將軍直閣將軍崔恭祖恭祖若為後軍將軍不應下帶

直閣將軍此必有誤

敬則急攻興盛山陽二壘臺軍不能敵欲退

而圍不開各死戰胡松引騎兵突其後白丁無器仗皆

驚散敬則軍大敗索馬再上不能得崔恭祖刺之仆地

索山客翻上時

興盛軍客袁文曠斬之

軍客齊書王敬則傳作軍客南

掌翻刺七亦翻

史有軍客馬容如桓康為齊高帝軍客蕭摩訶馬容陳智深斬陳叔陵蓋皆簡拔魁健有武藝之士使之前驅

以壯軍馬之容故以為名

乙酉傳首建康是時上疾已篤敬則倉猝

東起朝廷震懼太子寶卷使人上屋望見征虜亭失火

上時掌翻征虜亭在方山南自玄武湖頭大路北出至征虜亭

謂敬則至急裝欲走

急裝

謂縛袴也戎裝謂之急裝

敬則聞之喜曰檀公三十六策走為上策

計汝父子唯有走耳蓋時人譏檀道濟避魏之語也敬

則之來聲勢甚盛裁少日而敗

裁少日謂不及二旬也少詩沼翻

臺軍

討賊黨晉陵民以附敬則應死者甚衆太守王瞻上言

愚民易動不足窮法

窮法謂盡法繩之易以啟翻

上許之所全活以

萬數瞻弘之從孫也

王弘之以仕晉宋武帝辟召無所就從才用翻

上賞謝朓

之功遷尚書吏部郎

唐六典曰吏部郎職在選舉魏晉用人妙於時選其諸曹郎功高者

遷吏部郎歷代品秩皆高於諸曹郎魏晉宋齊吏部郎品第五諸曹郎品第六

朓上表三讓上

不許中書疑朓官未及讓國子祭酒沈約曰近世小官

不讓遂成恒俗

恒戶登翻

謝吏部今授超階讓別有意

朓自無殿

中郎遷吏部郎故曰超階朓恥以告妻父得官故曰讓別有意

夫讓出人情豈關官之

大小邪朓妻常懷刃欲殺朓朓不敢相見 秋七月魏

彭城王勰表以一歲國秩職俸親恤裨軍國之用

國秩彭城

國秩也職俸總所居職合受之俸也魏主詔曰割身存親恤亦魏朝給總以恤親者總音協

國理為遠矣職俸便停親國聽三分受一親國謂親士恤國秩也

午又詔損皇后私府之半六宮嬪御五服男女供恤亦

減半嬪毗賓翻在軍者三分省一以給軍賞癸卯以太子

中庶子蕭衍為雍州刺史為後蕭衍以雍州起兵張本雍於用翻己酉

上殂於正福殿年四十七遺詔徐令可重申前命徐令謂徐孝嗣也孝

嗣為尚書令建武四年加開府儀同三司辭不受重直龍翻沈文季可左僕射江祐

可右僕射江祀可侍中劉暄可衛尉軍政可委陳太尉

陳太尉
謂顯達

內外衆事無大小委徐孝嗣遙光坦之江柘其

大事與沈文季江祀劉暄參懷心膂之任可委劉悛蕭

惠休崔慧景

悛七倫翻
又丑緣翻

上性猜多慮簡於出入竟不郊

天

天子即位當奉珪幣
以見上帝於南郊

又深信巫覡

覡刑狄翻

每出先占利

害東出云西南出云北初有疾甚祕之聽覽不輟久之

敕臺省文簿中求白魚以為藥外始知之

本草曰白魚
味甘平無毒

主胃氣開胃下食去水氣令人肥健大者六七尺色白
頭昂生江湖中按此求文簿中白魚則所謂蠹書魚也
本草謂之衣魚亦曰白魚利小便療偏風口喎衍義曰
衣魚多在故書中久不動衣帛中或有之身有厚粉手

搗之則粉落

太子即位

八月辛亥魏太子自洛陽朝於懸

瓠

朝直遙翻下同

壬子奉朝請鄧學以齊興郡降魏

武帝永明三年

置齊興郡屬郢州其地當在西陽弋陽二郡界

魏主之入寇也遣使發高車

兵高車憚遠役奉袁紇樹者為主相帥北叛

帥讀曰率

魏主

遣征北將軍宇文福討之大敗而還

還從宣翻又如字

福坐黜

官更命平北將軍江陽王繼都督北討諸軍事以討之

自懷朔以東悉稟節度仍攝鎮平城繼熙之曾孫也

熙道

武之子

八月葬明皇帝於興安陵

陵在曲阿

廟號高宗東昏

侯惡靈在太極殿欲速葬

惡鳥路翻

徐孝嗣固爭得踰月帝

每當哭輒云喉痛太中大夫羊闡入臨

臨力鵠翻哭也

無髮號

慟俯仰憤遂脫地帝輟哭大笑謂左右曰禿鶯啼來乎

號戶高翻漢五行志曰鶯鶯或曰禿鶯師古曰鶯鶯一

名淘河腹下胡大如數升囊好羣入澤中抒水食魚因

名禿鶯亦水鳥也陸佃埤雅曰鶯性貪惡今俗呼禿鶯

一名扶老狀如鶴而大長頸赤目其毛辟水毒頭高八

尺善與人鬪好

啗蛇鶯音秋

九月己亥魏主問高宗殂下詔稱禮

不伐喪

春秋左氏傳曰晉士臼侵齊及穀聞喪而還禮也公羊傳曰還者何善辭也何善爾大其不伐

也喪引兵還庚子詔北伐高車魏主得疾甚篤旬日不

見侍臣左右唯彭城王勰等數人而已勰內侍醫藥外

總軍國之務遠近肅然人無異議右軍將軍丹陽徐謩

善醫

徐謩丹陽人宋明帝之世客青州慕容白曜克東陽謩遂為魏所獲謩九輦翻

時在洛陽

急召之既至勰涕泣執手謂曰君能已至尊之疾當獲

意外之賞不然有不測之誅非但榮辱乃繫存亡勰又

密為壇於汝水之濱依周公故事告天地及顯祖乞以

身代魏主

周公金縢之事以周公之至誠行之則可若王莽則偽也魏主疾有間

間

字朱元晦曰

丙午發懸瓠舍於汝濱集百官坐徐謩於

上席稱揚其功除鴻臚卿封金鄉縣伯賜錢萬緡

臚陵如翻

諸王別餉賚各不減千匹冬十一月辛巳魏主如鄴

戊子立妃褚氏為皇后

魏江陽王繼上言高車頑昧

避役遁逃若悉追戮恐遂擾亂請遣使鎮別推檢

言六鎮各

遣一使令各推檢一鎮使疏吏翻

斬魁首一人自餘加以慰撫若悔悟

從役者即令赴軍

令赴南伐之軍也

詔從之於是叛者往往自

歸繼先遣人慰諭樹者樹者亡入柔然尋自悔相帥出

降

帥讀曰率降戶江翻

魏主善之曰江陽可大任也十二月甲寅

魏主自鄴班師

北征至鄴而高車已降遂班師


林邑王諸農入朝海

中值風溺死

武帝永明十年范諸農得國朝直遙翻溺奴歷翻

以其子文欸為

林邑王



資治通鑑卷一百四十一